



الحمد لله واشهد أن لا إله إلا الله وحده لا شريك له وأن محمداً عبده ورسوله صلى الله عليه وسلم أما بعد

لقائنا اليوم لقاء هادئ طيب ، لقاء من القلب لا نريد به إلا أن ينتفع به من يسمعه لعل الله سبحانه وتعالى يفتح له القلوب ويكون مساعداً لأي واحدة نفسها تلبس حجاب أو لا بسه حجاب لكن نفسها توسعه أو تأخذ قرار أحسن في حجابها إن إحنا نساعدنا أنها تزيل عن نفسها مجموعة من العوائق والشبهات اللي

الشیطان فی حقیقة الأمر هو سبباً فیها وهو عادة الذی یطرحها..

لازم نفهم إن مجموعة الشبهات التي سأقولها اليوم التي تقف في طريق الحجاب دائماً عادة الشبهات دي بیکون مصدرها واحد هي نفسها الشبهات اللي كل سنة بنسمعها وما في أحد بنتعامل معاه بالقضية دي إلا بيقول نفس الكلام وكان المصدر واحد من الشبهات اللي ممكن بتتقال من عشر سنين هي اللي بتتقال دلوقتي هي اللي بتتقال امبارح هي اللي بتتقال بكره ، والانسان دائماً يستغرب ازاي البنات بيقولوا نفس الكلام لكن لم يعرف إن في العادة اللي بيلقي الشبهات دي في أذهان البنات خصوصاً هو واحد في النهاية وهو (الشيطان)

✦ **هنعرف لماذا يتكرر الكلام دائماً ؟!**

✦ **هنعرف لماذا تكون الشبهات واحدة ؟!**

عندما تأتي واحدة لديها تردد في مسألة الحجاب عايزة تلبسه بس هي شايقة إنه قرار مش دلوقتي فيأتي حينها الشيطان بمائه ألف مبرر ان هي تقرر عدم ارتدائها الحجاب ، فيأتي الشيطان مثلاً في أول شبهه ..

🌀 **هنطرح حوالي عشر شبهات هنكتبها ونكتب الردود عليها نكتب رد على كل شبهه..**

1- الشبهة الأولى :- التي يعرضها الشيطان

وهي يأتي لواحدة طيبة لكن مش عايزة تتحجب لأن هي شايقة إن الموضوع موضوع (قلب) وهي شايقة إن قلبها أبيض وإن هي

مش محتاجة تتحجب لأن في النهاية
المراد [←] القلب والمهم القلب وهي قلبها
أبيض ومسألة الحجاب دي شكليات وربنا في
النهاية ينظر إلى القلوب ولا ينظر إلى الصور
ونحو ذلك { إن الله لا ينظر إلى صوركم
ولكن ينظر إلى قلوبكم وأعمالكم } وهي تقول
إن عملها كويس وقلبها أبيض ونضيف فمسألة
الحجاب شكليات متهمش ربنا ..

[→] **الرد :-** نحن لا نسلم أن الإنسان الذي
يعصي الله سبحانه وتعالى يوصف نفسه بكل
بساطة وبكل جرأة أن قلبه أبيض ، لماذا ؟

■ **أولاً :-** لأن النبي أخبر [أن في الجسد مضغة
إذا صلحت صلح سائر الجسد وإذا فسدت فسد
سائر الجسد ألا وهي القلب]

إذن المضغة دي اللي هي القلب إذا كان صالح وأبيض كما تقولين فالمفترض أن يُرى أثر هذا على البدن ،يعني لو أنا فعلاً قلبي أبيض فلازم الأثر ده يظهر على الخارج فيكون عملي عمل صالح لأن كما يقول الناس : ((كل إناء بما فيه ينضح)) فلو كان الإناء مليان عسل فلو واحد خرّمه هيطلع عسل وإذا كان الإناء ده مليان مش وجاء واحد يخرّمه هيطلع له مش أكيد مش هيطلع عسل ☺ اه اللي خارج ده هو الظاهر لكن الظاهر ده هو في النهاية فرع عن الباطن ..

فلو رأيت أحد الان عمله في الظاهر سيّ فلا يمكن أن أصدق أن القلب أبيض تماماً، ممكن يكون أبيض حسب كمية العمل الصالح اللي عنده ولكن فيه نكت سوداء أو جانب مظلم

على قدر العمل السيئ الذي عنده فلا يجتمع مع الإنسان عمل سيئ في الظاهر مع زعم أن قلبه أبيض تماماً، لا بد أن يكون هناك خلافاً ما إن القلب يكون فيه درجة من الفساد.

والنبي ربط بين الإيمان والحياء وهذا ما قيل في الحديث : [إن الإيمان والحياء قُرنا جميعاً فإذا ارتفع أحدهما ارتفع الآخر] ولا شك أن الحجاب من الحياء وأن عدم ارتداء الحجاب نزول عن درجة معينة في الحياء فكلما قلت درجة ما في الحجاب لاشك أن تقل درجة ما في الإيمان بالتوازي وكل ما علا حجابك فده يدل على حياء وإيمان أكبر، فلو صلح القلب لصلح سائر الجسد .. وهل معنى ذلك إننا نقول

✠ إن المحجبة دي قلبها أبيض تماماً ؟! أو

المنتقبة دي بقا قلبها بفته بيضة ؟!

■ طبعاً مش لازم ، لأن الحجاب هو أحد الأعمال الصالحة فلو أن واحدة محجبة أو منتقبة مثلاً لا تصلي أو تكذب أو تشتم أو تغتاب أو تحسد كل ده يفسد ويدل على فساد القلب 

فيكون قلبها أبيض من ناحية إنها لبست حجاب ويكون قلبها فيه سواد وعلى قدر عملها السيئ كذلك الغير محجبة إن كان في قلبها درجة من البياض بقدر عملها الصالح أو التوحيد أو تصلي وأخلاقها كويسة ولكن في درجة من الفساد على قدر عملها السيئ في ترك الحجاب ..

ونحن في النهاية نريد الصورة مكتملة أن تكون امرأة عملها صالح ، لا تسب ، لا تشتم

، لاتؤذي جيرانها وفي نفس الوقت محبة
فلماذا نري الصورة هذه ؟

لأن المشكلة الأولى عند المحبة إن قلبها
أبيض وربنا ينظر للقلوب .

2- إن البنت تيجي على مسألة الحجاب وتقول
والله أنا شايقة إن موضوع الحجاب ده لأ ،
عندي زميلاتي كلهم محبات وفيهم منتقبات
لكن أنا شايقة أنهم مش كويسين وإن أنا أحسن
منهم بكتير لأن المحبات أنا بشوف نماذج
مش كويسة وسيئة زي اللي بتمشي مع ولاد
وتصاحب وتعصي ولا تطيع أهلها ولا تصلي
وتسب واللي بتحسد واللي تكذب فايه لزمته بقا
وأنا أحسن منهم لأن أنا لا أمشي مع أولاد لا
أكذب لا اسب وهكذا ...

✂ بالتالي لا يلزمني قضية الحجاب
والحاجات دي بالكلية ..

☞ **الرد :-** هي دلوقتي الأخت الطيبة دي
ربطت بين العمل السيئ لزميلاتها أو صديقتها
المحجبات أو المنتقبات وبين النقاب علطول
يعني ربطته بالحجاب وبعملهم الفاسد :

✂ **مثال** ☞

الملتحي الناس تربط لحيته بعمله علطول فإذا
أخطأ يقول لك شوف أدي الملتزم والملتحين
ويقولك اوعى تربى ذقنك لحسن الملتحين
بيعملوا ايه !! وهذا خلل كبير ✕

لأننا ربطنا ما بين عملها اللي في مشكلة ده
وبين الحجاب نفسه ، ليه مثلاً لم نربطه
بالصلاة أو بالصيام ليه مثلاً قولتي مش

هصوم رمضان عشان مثلاً في واحدة
صاحبتى بتكذب ،او ليه مثلاً مقولتيش مش
هصلي عشان واحدة صاحبتى بتصلي وبتمشي
مع ولاد ؟!

✿ فلماذا نربط دائماً بالحياة والحجاب
والنقاب وهذا ربط خاطئ ❌❌❌

س / هل الحجاب هو السبب في الخلل اللي
عندها ده ؟

هل الحجاب هو الذي ظلها على المشكلة
الأخلاقية اللي عندها دي ؟

ج/ العكس تماماً، الحجاب المفروض يساعدها
على تخطي الموضوع ده لكن لشدة الهوى
عندها رغم الحجاب كذبت ومشيت مع ولاد أو
بتعمل حاجات مش كويسة والكلام ده ..

الحجاب برئ من القضية دي بالكلية ، لو
عملنا نفس القاعدة دي هنخسر حاجات كتير
إحنا عندنا مهندسين نصابين فهل ده منعنا إننا
ندخل كلية هندسة ؟! ، عندنا أطباء لصوص
أو لا يوجد لديهم أمانة فهل ده منعنا ندخل كلية
طب بسبب أن هناك أطباء ليس عندهم
أمانة ؟! لو عملنا بالقاعدة دي في كل
الوظائف والمهن هنجد دائما في ناس مش
على درجة كويسة من الالتزام ،،

■ هل ده منعنا إننا نكمل ؟

ولا كل واحد بيحاول يكون عنده أمل إني
هحاول واكون أنا الطبيب المسلم الكويس أو
المهندس الأمين الناصح والكلام ده فإحنا
عايزين نفس الكلام لو شوفتي محبة مثلا

عندها فساد معين في الأخلاق أو كده وإن كنا
نزعم إن ده قليل إن كل المحجبات كده لكن
الحقيقة عند التحقيق والنظر السديد لا والله ما
نجد ذلك إنما هذا الأمر قلة والأصل أن
المحجبة والمنتقبة نجد فعلاً يزيد نسبة أصحاب
الأخلاق الكويسة فيهم عن غيرهم من عدم
الحجاب

لأن في العادة الحجاب أصلاً يساعد المحجبة
أو المنتقبة إن هي تحسن أخلاقها إن هي تجد
صحبة صالحة والطيور على أشكالها تقع و
بالتالي الحجاب أو النقاب بيخليها تقع في
صاحبات محجبات أو منتقبات وتلاقي دي
بتحذرها إنها متمشيش مع ولاد وتدلها على
درس قرآن أو تاخذها معاها المسجد وبالتالي

الحجاب كان هو البداية التي ساعدتها على
كل خير ..

عشان كده نجد إن نسب المنتقيات او
المحجبات التي جمعت فعلاً بين الحجاب
والالتزام والأخلاق الكويسة نسب كبيرة فعلاً ،
فإننا نقول والله في محبة مش كويسة إحنا
بنبني على المفروض النسبه الأقل وده غلط
حتى لو النسبه كبيرة برده غلط لأن ما في
علاقة بين حجابها وبين الخلل التي عندها فزي
ما أنت هتقول أنا هكون المهندس الأمين
عايزين برده البنات تقول أنا برده هلبس
الحجاب واتمنى اشوفه في المحجبات الحجاب
الواسع الذي يرضى الله عز وجل محبة
بدينها وأخلاقها دي فعلاً محبة نتشرف بيها
وصورة كويسة للدين والالتزام .

لأنك لما بصيتي على المنتقيات والمحجبات
بصيتي عليهم زي الذبابة لو مرت كده على
مائدة جميلة فيها حاجات كتير حلوة بتزل
على أقذر ما فيها لا ، ليه لما شوفتي أختك
المحجبة رغم إن هي ممكن يكون عندها
حسنات كتير وحاجات كتير حلوة شوفتي فيها
بس العيب اللي فيها أو دي وحشة بس وفي
محجبات كتير أوي ومنتقيات اخلاقهم عالية
أوي فليه اخترتي دي وواحدة أو اتنين من
صاحباتي عندهم مشكلة أخلاقية معينة
فنفروني من الحجاب وهذه نظرة سيئة ولو
إننا اخدنا القاعدة دي ممكن منصليش لأنني
ممكن اقول أنا عندي صاحبي بيشرب سجائر
وبيصلي فأنا مش هصلي وعندي صاحبي

بيصوم رمضان ويتفرج على الاباحيات فانا
مش هصوم رمضان !!

فالشبهة دي لا يمكن الأخذ بها إني أقول ما
هلبس الحجاب عشان في محجبات أخلاقهم
وحشة وأنا شايفة إن أخلاقي أحسن من
بعضهن فهذا كلام غير مقبول ابدا ❌

**3- واحدة تقول الحجاب غير مهم والمهم
الاحتشام ! إني أكون محتشمة والحقيقة دي
مشكلة مش مفهومة أوي يعني كأن دماغك
هنجت حصلك فيها error 😊 ***

ما هو الاحتشام ؟ البعض يراه حسب الهوى
، ممكن واحدة مثلاً تكون لابسه قصير وشايفة
إن ده احتشام أنها أحسن من اللي لابسه بكيني
مثلاً 😊 ! أو اللي لابسه مايكرو أو ميني

😊 لاواللي لابسه ميني تقولك أنا محتشمة
بالنسبه للي لابسه مايكرو 😊 لاواللي لابسه
مايكرو تقولك أنا محتشمة بالنسبه للي لابسه
بيني 😊 لاويمكن اللي لابسه بيني تقولك أنا
محتشمة بالنسبه للي مش لابسه حاجة خالص
!

فما هو التعريف الصحيح لكلمة إمراة
محتشمة؟!

فهي كلمة مطاطية تخلي أي واحدة ممكن
تركب التعريف ده على اللي هي لابساه أصلا
وبالتالي مش هتغير أي حاجة في لبسها لأن
هي في العادة الاحتشام عندها إن أنا أحسن من
اللي أقل مني إن في واحدة أكيد أقل مني فأنا
أحسن منها إذن أنا محتشمة ! لا تقارن باللي

أعلى منها ولا تقارن باللي لابسها حجاب هي
بتقارن باللي أقل منها في العادة وتطلع بنتيجة
أنا إذن محتشمة والمهم في الدين الاحتشام إذن
أنا 100

الرد :- إحنا بنقول إن ما في حاجة إسمها
احتشام يعني كلمة محتشمة دي اختراع
بيحاولوا يبرروا بيه إن هي تبقى نص نص
والكلام ده ، لكن إحنا بنقول لو افترضنا إن في
كلمة صحيحة إسمها الاحتشام فالاحتشام عندنا
معنى واحد فقط وهو الحجاب

بالاوصاف التي جاءت في الكتاب والسنة إنه
👉

1- يغطي البدن

2- لا يصف

3- لا يشف عما تحته

4- لا يكون زينةً في نفسه

5- يكون معطراً مطيباً

6- لا يشبه ملابس الكافرات فموضوع إن واحدة تقولك أنا اهم حاجة عندي إن أنا محتشمة 😊 ونحن نقول إننا لا نقبل بهذا الكلام وكلمة محتشمة عندنا هي بمعنى أنها محجبة قد لبست حجاب ، بالمواصفات الشرعية اللي احنا فاهمينها كما ذكرنا سابقاً وأي تعريف تاني للإحتشام ما هو إلا اختراع حتى تبرر من تنسبه لنسبه أنها محتشمة وليه مش عايزة تطور حجابها للأفضل لو هي محجبة وليه مش عايزة تريديه إن كانت غير محجبة ..

٤- واحدة تقول والله أنا معديش مشكلة أبس الحجاب بس لما ربنا يهديني هلبس الحجاب !

هنا نقف وقفة مع الكلمة دي لأن أي حد
مزنوق في معصية بيقلها دلوقتي ف اللي
بيشرب سجائر يقولك لما ربنا يهديني هبطل
واللي بيزني يقولك لما ربنا يهديني هبطل وكل
واحد بيعمل حاجة غلط ولا يصلي يقولك
هعمل ايه هو لو ربنا هداني كنت صليت بس
المشكلة إن ربنا لم يهديني..

الرد :- الناس دول يقولون كلمة حق يراد
بيها باطل ، يعني تقول كلمة صح بس عايزة
توصل بيها لنتيجة غلط ❌ ❌

س/ هل يهتدي الإنسان عندما يهديه الله

سبحانه وتعالى ؟! نعم ☒

س/ هل يمكن أن يهتدي الإنسان من غير أن

يهديه الله ؟! لا ☐

لا يمكن لإنسان أن يهتدي حتى يأذن له الله

بالحداية ☒

لكن الذي يقول هذا الكلام هذا ليس مقصده ،
قصده في أن يهديه الله لا شأن له في ذلك
فينفي عن نفسه المسؤولية ويقول أنا مضطر
ومجبر على الموضوع ده والأمر بيد الله
سبحانه وتعالى لا يوجد في أي حاجة
أعملها فالحادة اللي بيقول لما ربنا يهديني
هعمل كذا لا يقصد المعنى الحسن للموضوع
ده (إن أكيد الحداية بإيد ربنا وأنا اتمانها

واسعى ليها) لا يقصد هذا وانما يقصد إن
مليش دعوة بالقصة دي وإن الموضوع بيد الله
فقط وأنا راجل مجبر ومفيش في أيدي حاجة
أعملها ،،

✎ طيب أنت بتقول لما ربنا يهديني هبطل
السجائر، طب ايه رأيك ترمي السجارة ويبقى
ربنا هداك 😊 ✓

✎ لما ربنا يهديني هتجيب طب ايه رأيك
تروحي دلوقتي تشتري الحجاب أو نقاب
وتلبسيه ويبقى كده ربنا هداكي 😊 ✓

س١ / هل إحنا نعرف إحنا عند ربنا مكتوبين
مهتدين ولا ضالين ؟ لا نعرف

س٢/ هل إحنا مكتوبين عند ربنا إن أنا هصلي
ولا مش هصلي أو هتجيب ولا مش
هتجيب؟ لا نعرف ..

وطالما أنا لا أعرف مينفعش إنني أجزم دلوقتي
أعمل إيه ما هو ربنا لم يرد لي هداية ، أعمل
إيه ما هي ظروفك كده ، أعمل إيه ما ربنا
مش عايزني أو لا يريدني ، فالكلام ده غلط

× × ×

مثال

أنتم تقولون إن الله سبحانه وتعالى هو الهادي
وهو من يهدي صح كده طيب ✓

س/هل الله هو الرزاق أم لا ؟ طبعاً هو
الرزاق

س/ هل نتعامل مع ربنا الرزاق زي ما
بنتعامل مع ربنا الهادي ؟ لا نفعل ذلك

الله هو الرزاق نعم ورزقك ده مكتوب طيب
بنتزل تشتغل ليه ؟

❁ فيقولك لأ ما أنا لازم أنزل اشتغل أسعى
يا عبد وأنا أسعى معاك 😊 والمفروض
الواحد يعمل اللي عليه برده ولا يتواكل على
القدر السابق أو الرزق المكتوب له لأن ربنا
كتب الرزق بتاعك وهتسعي فين وهتروح
تشتغل ولازم نعمل اللي علينا ولازم نجري
وربنا يدريك على أد شغلك ..

❁ أنت فهمتها كويس جدا في الرزق ، ليه
مقعدتش في بيتك لو ربنا أراد أن يرزقني
لرزقني ، ليه مقعدتتش في بيتك وقولتي لو

ربنا كاتب لي النجاح في الكلية هنجح ؟ ليه
بتذاكري ليه بتفتحي محاضرات ليه بتصوري
ورق؟

كل ده عشان انتي فاهماها كويس فليس معنى
إن ربنا كتب رزقي قبل كده إن مش معناه إني
اقعد هوزي ما كتب رزقي كتب هوصل له
إزاي وكتب إيه المجهود اللي هبذله عشان
أوصل له فبالتالي هبذل مجهود عشان أوصل
لرزقي وشايفة إن ده لا يتعارض مع إن رزقي
كان مكتوب أصلا لأن اللي كتب رزقي كتب
سعيي عشان معرفش أنا رزقي إيه فأننا بجتهد
ولعلي اكون عند ربنا حاجة كبيرة ورزقي
واسع..

مثال

لو واحد فقير بيحاول يكون غني فتقوله أنت
بتحاول تكون غني ليه ما أنت فقير فيرد عليك
ويقولك اه ما أنا فقير دلوقتي لكن ما أدراني
يمكن ربنا كاتبني عنده إن أنا هبقى غني ♡

✓ فنفس الكلام ليه عارف تفهمها في الرزق
ومش عارف تفهمها في الهداية ..

مثال 📖

لما ربنا يهديني هتجب بعمل ايه ربنا لا
يريد لي الهداية ! هل انتي تعرفي أنتي عند
ربنا مكتوبة إنك ستكوني مهتدية أم لا ؟

أنتي عندك علم إنك ستكوني مكتوبة عند ربنا
محجبة أو لا أو حتى ترتدي نقاب أو لا ؟

💡 طيب ما نحاول نسعى ونجتهد ونبذل اسباب في الإتجاه ده يمكن زي ما الفقير بيحاول يبقى غني ، زي ما المريض بيحاول يتعافى ويقول لك يا أخي يمكن ربنا كاتب لي الشفاء ما علمك أنت ويمكن ربنا رايد لي الغني أنا بسعى وربنا يديني على أد سعيي طب نقول نفس الكلام في الهداية وفي الصلاة وفي السجائر وفي الحجاب طب ما أنا أحاول أن آخذ بالأسباب واسعى واجرب يمكن ربنا كاتب لي الهداية ☒

كذلك المحجبة اللي لابسه حجاب أي كلام وعازمة توسع خدي الخطوة ويبقى ربنا كتبها لك وزى ما جاء في الحديث [من تقرب إلى شبراً تقربت إليه ذراعاً ومن تقرب إلى ذراعاً تقربت إليه باعاً]

وبالتالي أنا باخذ بالأسباب كما أعتقد أن الله سبحانه وتعالى كتب للناس الهداية والضلال في الآخر ربنا لم يجبرهم على شئ وإن ربنا جعل لكل شئ سبب وزى ما جعل الهداية مكتوبة كان ليها أسباب ..

وأنا بقرأ سورة الليل بحس بالمعنى ده أوي قال سبحانه وتعالى {فأما من أعطى واتقى وصدق بالحسنى فسنيسره لليسرى وأما من بخل واستغنى وكذب بالحسنى فسنيسره للعرى}

وبالتالي ربط الله بين ماذا أنت فعلت وما النتيجة

⚡ أعطى واتقى وصدق بالحسنى ده بنيسرله
اليسرى شيل بقا (أعطى واتقى وصدق
بالحسنى) ونحط

⚡ أما من سعت في طريق الحجاب وبذلت
مجهود عشان توصل ، اشترت حجاب ،
حاولت تلبسه ، قاومت وخدت خطوة
فسنيسرها للحجاب ✓

⚡ أما اللي قعدت وتكاسلت وتواكلت وقالت
أنا هعمل ايه لما ربنا يهديني أنا حلوة كده
فسنيسره للعسرى ✗

⑥ وبالتالي كل قدر في النهاية مكتوب لك
سواء هداية أو ضلال هو مرتبط بشئ أنت
هتعمله بإذن الله سبحانه وتعالى وميجيش أي

حد أبداً بيعمل معصية ولا حجاب ولا غيره
يقول أنا بعمل إيه لما ربنا يهديني ۞

**س/ ما الفرق بين هذه الكلمة وكلمة
المشركين زمان لما قالوا { وقالوا لو شاء الله
ما عبدنا من دونه من شئ وقالوا لو شاء الله
ما أشركنا }**

عايزين يقولوا إن إحنا مالناش دعوة ربنا اللي
أراد لهم الضلالة هو اللي عمل فينا كده ف كلام
البنات اللي بتقول أنا مش بعمل لأن ربنا لم
يرد لي الهداية واعمل إيه هو ربنا اللي عمل
فيا كده فالكلمة دي تشبه كلمة إبليس

🌀 اعتقاد الإنسان إنه مجبر ده اعتقاد إبليس
في الحقيقة وإمام الكلمة دي إبليس لأن هو

اللي قال لربنا زمان في الأول عندما لم يسجد
لآدم وربنا عاتبه { قال رب بما أغويتني } أنت
اللي اغوتني يارب أنا مالي فكل حد يقول لربنا
كده يعرف إنه على طريقة إبليس نسأل الله
السلامة والعافية = طريقة إبليس

5- بنت في ثاني أو ثالث إعدادي أو أول ثانوي
تيجي واحدة تقولها البسي الحجاب فتقولها أنا
لسه صغيرة لما أكبر وماما قالت لي انتي لسه
صغيرة ولما تكبري تلبسي الحجاب

تكبر دي امتى ؟ منعرفش يعني ممكن توصل
للجامعة ومامتها لسه برده مقالتهاش البسي
الحجاب !

الرد :- دي مصيبة كبيرة في الآباء
ومصيبة إن الأبناء مش عارفين امتى يبقى

إسمه صغير وامتى ميقاش صغير ، كلمة صغيرة دي عندي ليها معنى واحد فقط يعني لم تبلغ بعد بالنسبة للمرأة يعني لم تحض لم ينزل عليها دم الحيض خالص فإذا المرأة لم ينزل عليها دم الحيض خالص يبقى دي إسمها صغيرة دي اللي فعلاً ممكن تلبس حجاب قصرت شوية كده كده مش بيتكتب عليها سيئات طالما لم تبلغ ولو لبست الحجاب تاخذ حسنات لكن بمجرد إن البنت بلغت يعني نزل عليها دم الحيض يعني يمكن الموضوع ده يبقى في البنت وهي عندها ١٢ سنة أو ١١ سنة أو ١٣ سنة واقصى حاجة في البنات تبلغ وهي ١٥ سنة يعني ممكن تبقى ثاني أو ثالث إعدادي وأحياناً أولى إعدادي والبنت لم تعد صغيرة وهي مكلفة الآن وأمام الله يكتب

عليها السيئات كما يكتب لها الحسنات يعني
البنات دي لو ماتت هتتاسب زي ما شيخ
الأزهر بيتاسب وزي ما الدعاه هيتاسبوا
وزي التابعين وتابعي التابعين هيتاسبوا
مفيش فرق بينها وبين أي مسلم على مدار
الزمان خلاص كبرت وهي الآن مكلفة
ومطلوب منها كل أعمال الإسلام : الصلاة
والحجاب والصيام وأي تقصير في أي حاجة
من دول الآن يجري عليها قلم السيئات مبقتش
صغيرة فلازم نفهم أولادنا وبناتنا وأخواتنا
اللي عندهم بنات ١٢ أو ١٣ أول ما تبلغ
تفهميها إنها بقت كبيرة وهي مخاطبة الآن بكل
أحكام الشريعة وإذا ماتت ستاسب وليها
ميزان وصراط وجنة ونار فلازم البنات تفهم
، لأن مينفعش أبدا بنت تجاوزت سن البلوغ

وبلغت تقول أنا مش محجبة عشان لسه
صغيرة أو ماما بتقولي أنتي لسه صغيرة
فلازم نتعلم ونعلم بناتنا وربنا يهدي بنات
المسلمين ..

ربنا يرضى عنكم ويبارك فيكم أنا أحبكم في
الله

سبحانك اللهم وبحمدك أشهد أن لا إله إلا أنت
أستغفرك وأتوب إليك ..

السلام عليكم ورحمة الله وبركاته ﷺ